



Broj: 10-05-3182/05  
Mostar, 13.07.2005.

**Federalni ministar trgovine**, na osnovu člana 200. Zakona o upravnom postupku («Službene novine Federacije BiH», br. 2/98 i 48/99), a u vezi sa članom 20. Pravilnika o načinu evidentiranja i kontroli prometa naftnih derivata i ostalih proizvoda i usluga na benzinskim pumpnim stanicama putem ugrađene opreme u Federaciji Bosne i Hercegovine («Službene novine Federacije BiH», broj 12/05), rješavajući po zahtjevu Društva **ZAVOD ZA ISPITIVANJE KVALITETE ROBE d.o.o. MOSTAR**, u predmetu ispunjavanja uslova za ugradnju i održavanje-servisiranje mjernih uređaja na benzinskim pumpnim stanicama,  
**d o n o s i**

## R J E Š E N J E

Utvrđuje se da **ZAVOD ZA ISPITIVANJE KVALITETE ROBE** sa sjedištem u **MOSTARU**, Sv.Leopolda Mandića br. 9/I, sa identifikacijskim brojem 4227227270003 ispunjava uslove za ugradnju i održavanje-servisiranje mjernih uređaja na benzinskim pumpnim stanicama iz Pravilnika o načinu evidentiranja i kontroli prometa naftnih derivata i ostalih proizvoda i usluga na benzinskim pumpnim stanicama putem ugrađene opreme u Federaciji Bosne i Hercegovine.

### O b r a z l o ž e n j e

**Zavod za ispitivanje kvalitete robe d.o.o. Mostar** podnio je zahtjev dana 30.06.2005.godine za izdavanje rješenja o ispunjavanju uslova iz Pravilnika.

Uz zahtjev je priložena sljedeća dokumentacija:

- Rješenja Županijskog suda Mostar, o upisu u sudski registar broj U/I-966/2000 od 23.01.2001.godine i Tt-110/03 od 17.04.2003.godine
- Uvjerenje Porezne uprave – Kantonalnog-Županijskog ureda Mostar o poreznoj registraciji od 27.12.2002.godine,
- Ugovor o distribuciji, ugradnji i servisiranju mjernih uređaja zaključen između Zavoda i «Excellent» d.o.o. Sarajevo od 27.06.2005.godine,
- Potvrde o osposobljenosti kadrova za ugradnju i servisiranje od 01.06.2005.godine,

- Certificati o odobrenju tipa Instituta za standarde, mjeriteljstvo i intelektualno vlasništvo Bosne i Hercegovine Sarajevo broj BA ISMIV/03/05-0038-T, BA ISMIV/03/05-0039-T i BA ISMIV/03/05-0040-T od 14.06.2005.godine,
- Tehničku dokumentaciju proizvođača «HECTRONIC» GmbH Njemačka

Komisija za postupak ispitivanja uslova koje moraju ispunjavati privredna društva za ugradnju i održavanje-servisiranje mjernih uređaja dana 07.07.2005. godine izvršila je uvid u opremu, te ustanovila da dostavljena dokumentacija odgovara stvarnom činjeničnom stanju.

Prilikom uviđaja i prezentacije opreme od strane Zavoda utvrđeno je da ponudena sonda **zadovoljava samo u izvedbi HLS 3010 HFD** pošto ima odgovarajuće karakteristike u odnosu na mjerenja gustoće, te čini kompaktnu cjelinu bez pokretnih dijelova. Dosljedno ovome, suglasnost dana ovim rješenjem odnosi se na ugradnju i servisiranje gore navedenog tipa sonde.

U provedbenom postupku, a na osnovu dostavljene dokumentacije utvrđeno je da **ZAVOD ZA ISPITIVANJE KVALITETE ROBE d.o.o. MOSTAR** ispunjava uslove za ugradnju i održavanje-servisiranje mjernih uređaja iz člana 20. Pravilnika, pa je riješeno kao u dispozitivu.

Taksa na ovo rješenje u iznosu od 105 KM, naplaćena je u skladu sa tarifnim brojem 1. i 8. Zakona o federalnim upravnim taksama i tarifi federalnih upravnih taksi («Službene novine Federacije BiH», br. 6/98 i 8/00).

#### **Pouka o pravnom lijeku:**

Ovo rješenje je konačno u upravnom postupku i protiv njega žalba nije dopuštena.

Protiv ovog rješenja može se pokrenuti upravni spor podnošenjem tužbe Kantonalnom sudu Mostar u roku od 30 dana od dana njegovog dostavljanja.

Dostavljeno:

- 1.«ZIK» d.o.o. Mostar  
Sv.Leopolda Mandića br 9/I
- 2.Federalni zavod za mjeriteljstvo  
Mostar, Adema Buća 34
- 3.U spis
4. a/a



MINISTAR  
Maid Ljubović, dipl.ecc.